



Universitätsbibliothek Paderborn

**Mechlinia Illustrata Luce Miraculorum S. Francisci Xaverii
Orbis Utriusque Solis Ac Thaumaturgi Chronicis Distichis
evulgata Anno M.D.C.LXVI.**

Grumsel, Gérard

Mechliniae, 1666

Qvarta. Judocus Houbraken Ecclesiæ Cath. Antverpiensis Canonicus, &
Episcopatus Sylvæducensis vacantis Vicarius generalis Omnibus has
visuris salutem in Domino.

urn:nbn:de:hbz:466:1-13399

Q U A R T A.

Judocus Houbraken Ecclesiae Cath. Antverpiensis Canonicus, & Episcopatus Sylvæducensis vacantis Vicarius generalis Omnibus has visuris salutē in Domino.

In ter indubitata veræ Ecclesiæ signa, miracula sunt, in infideliū ad fidem conversionem, & fidelium in eadem confirmationem quandoque patrari solita. Eximè iis claruit in vita, & post mortem S. FRANCISCUS XAVERIUS è Societate JESU Indianum, ac Japoniarum gloriósus Apostolus, quem miraculosum, ac beneficium Brachium suum, cuius particula aliqua Mechliniæ in templo Societatis JESU publica venerationi est exposita, etiam ad subditos nostros extendisse intelleximus. Quod ut certius constet, hisce testatum facimus, segnillatim inquisivisse nos, & inquiriri curasse in liberationem à maligna febri, subitamque virium instaurationem, quam ejus beneficio filia quædam in Diœcesi nostra Sylvæducensi, hoc, qui subjungitur, modo est consecuta.

Cum Anno 1662. Bredæ pestis graſſaretur, laboranti illic fratri adstitit N. N. Villica è territorio Sylvæducensi. Domum redux, & ipsa cœpit Malignâ febri laborare, & maritum, filios duos, ac filiam Catharinam 22. annos natam infecit. Matre primùm, ac mox Patre malignitate morbi sublatis, & fratribus subinde eadē correptis, Catharina inde à 26. die Julii usque ad 23. Augusti ita continuatis ejusdem ardoribus est exhausta, ut viribus, ac mente tandem etiam deſtitutæ, cum nullum ſupereret in arte remedium, vitæ ulterioris ſpem denegarit expertus Chirurgus, qui scripto hæc, quæ narramus, inter alios juratus iteratò confirmavit. Indubitata opinio erat inter amicos, ac vicinos pestiferâ lue domum infectam. Non erat itaque, qui ſolatium ægris, qui necessarium obsequium præstaret. Non defuerit tamen defertos ab omnibus ſuus Pastor confiſsus per merita, & intercessionem S. FRANCISCI XAVERII, & ægros liberandos à morbo, & ſe à contagione ſervandum. Cum ergo Catharinam ſub ſeram vesperam ſacram unctione muniuiſſet, eodem vespere regressus S. FRANCISCI XAVERII imaginem attulit, quæ facr. ejus Reliquias Mechliniæ

R

Mira-

Miraculis claras attigerat, & Catharinae maximiè periclitanti per fratrem offerens, omnes ad fiduciam in Sancti illius intercessione apud Deum locandam excitavit. Jam quartum, quintumve diem jacuerat Catharina impotens se mouere, oblatam imaginem arripuit, & osculta est magnâ cum fiduciâ, quam ut porrò per noctem foveret Pastor adhortatus, domum se recepit. In sequente die bene mane, nemine opitulante, nemine conscientia vestibus se suis induit, lecto eripuit Catharina, & ædes in ambulavit. Quin & in campum illo ipso die egressura fuit, pabulumque jumentis quæsitura, nî fratres continuissent: postridie reipsâ quæsivit: cumque D. Pastor ædes interea ingressus vel mortuam vel animam agentem in lecto querit adest illa ad fôres ingenti onusta corbe, pabulumque in agro collectum infert. Hæsit attonitus Beneficii novitate D. Pastor: mox increpuit, quod tam temerè cæli se, solisque injuriis, ac recidivæ periculo commisisset; filenter illa: sollicitudinem mitte, inquit, nihil periculi subest, ab hesterno mane me Sanctus ille persanavit, ac viribus restituit.

Hæc omnia cum ad nos fuissent in legitimo instrumento delata; cui D. Pastor, ipsa Catharina, Chirurgus, fratres duo, aliique consanguinei, & vicini jurati subscripserant: constituimus primum Commissarium in partibus illis virum probum, & intelligentem, qui postquam in omnia nostro nomine inquisivit, iteratoque, interposita jurisjurandi fide, eadem ex Catharina intellexit, omnia sua etiam signaturâ firmavit: deinde nos ipsi coram hâc Antverpiæ prædictam Catharinam in praesentiâ sui Pastoris omnium concordia examinavimus, & sub eâdem religione sic omnia accidisse comperimus. Quibus compertis cum etiam nobis submissa scripto fuissent expertissimum Medicorum Judicia, hâc super re consultorum, Tungrensis, Bruxellensis, ac præsertim duorum primiorum Doctorum, ac Medicinæ Professorum, aliorumque duorum celeberrimæ Academiæ Lovaniensis unanimiter censemus, istam virium restauracionem naturæ vi tam exiguo temporis spatio obtineri non potuisse; ut nihil non ritè, ac juxta Concilii Tridentini placita perageremus, viros doctos ac Theologiae peritos consuluumus, ac coram, & cum iis iterum prædictam Catharinam audivimus, omnibusque tandem co-

ram

ram Deo maturè consideratis, decernendum post longam, & sèpius iteratam inquisitionem putavimus, prout per præsentes decernimus, posse dittæ Catharinæ sanationem tamquam miraculosam, & per merita Sancti FRANCISCI XAVERII à Deo factam, & impetratam censeri, & publicari; & ut talem publicamus & censere nos testamur: Autorem omnium Deum rogantes, ut sicut Indianorum gentes Sancti FRANCISCI XAVERII dum vixit, prædicione, & Miraculis Ecclesiæ suæ aggregare voluit, ita modo hinc in partibus ejusdem Miraculis, & intercessione fideles popules velit in eadem conservare, & confirmare; eosque, qui quovis errore ab ead segregati sunt, ad eamdem benignè reducere. In horum omnium fidem basce manu propriâ signavi, & Vicariatū nostri sigillo muniri curavi. Die XIX. Mensis Martii, Anno Domini 1664.

Locus * Sigilli.

J. HOEBRAKEN

APPROBATIONES BENEFICIORUM

§. 1.

ANDREAS Dei, & Apostolicæ sedis gratiâ Archiepiscopus Mechlinien: Omnibus has visuris salutem in Domino. Cum in dies clarescant plura, ac plura Beneficia quæ divina manus largè conferre dignoscitur ad sacras Reliquias de Brachio dextero magni Indianorum Apostoli S. FRANCISCI XAVERII in templo Societatis JESU Mechlinie fidelium venerationi, nobis approban- tibus expositas, de iisque per Revend. Admodum Dominos Commissarios ad hoc deputatos legitime sint captae informationes: Nos per eos debite informati (quamquam non dubitarent quin complura Miraculis à nobis merito adscribi posse viderentur) maturiori adhuc examini illa cum aliis reservan- tes neque certi quidquam in præsentiarum decernentes, vulgari typis omnia dumtaxat permittimus, in fide bonâ eorum, quis è S. FRANCISCO XAVERIO accepisse apud supradictos Reverendos Admodum Dominos Commissarios legitimè deposituere, ut videant omnes non esse abbreviatam manum Domini, quin salvare possit, etiam in particula Brachii Servi sui: adeoque incitentur ad divinam ejus misericordiam per Sancti sui intercessionem ferventiù implorandam, & felicius consequendam. Datum Mechlinie die decimâ sextâ Mensis Februarii, Anno Domini 1662.

Locus * Sigilli.

ANDRÉAS Archiepiscopus Méchliniensis